

# Buumi

**Pepa 9**

hello@dignityonline.org.uk

+447340 573 937

## Mulilo Weenda!

Kabusi kashoonto, ino mbo kakatalika. Takwe wakuyeeya kuti nga wakomena. Grace wakambilwa kuti asalazye lubuwa, kuti mulilo cimwi ciindi nga weenda.

Grace takabeleka mulimo mu botu loko. Bwizu bwakali ambali bwakaseeme kulanganya a kwakali mulilo. Kwaba luwo lushoonto, busi bwakaya mu julu ino cakugambya ncakuti kabwizu komwe kakayaka! Busi bwaka boola ansi kabwizu kakaumpa bwizu bunji a busena bupati. Wakaboneka kabotu. Ino mulilo wa keenda!

Grace wakatalika kulibilika. Luwo lwakaunga a mutala a ntamo zishoonto, mulilo aumwi wakatalika. Ino boonse mbo bakabede bakaluba cakulya nco bakali kuli bambila kujika. Bakalibindene a kusola kuzima mililo yaandeene. Bantu bakabweza manzi, akufusa bulongo a mulilo a kubweza. Ino boonse bakacikonzya kuzima mulilo. Grace wakatyompwa akuyeeya kuti mulilo ulijisi a bumi bwa nguwo. Akazyunguluka kashoonto mu busi kuzwa mu luwo, wakeenda koonse koonse.

Sena wakanvwa kuti kuli 'Ceengo ca Mulilo ca Zyooko Zyotatwe'? Kutegwa uyasya mulilo weleede kuba azintu zyotatwe: muya, kukasaala a mafuta. Mumajwi esu, luwo lwakaleta muuya munji, kukasaala kwakazwa mu mulilo a mafuta yakali mizunta ya bwizu. Kutu na waka gwisya cimwi ali zeezi zintu zyotatwe, ino mulilo nga wazima nkaambo zibelesyo tazikwene pe.

Nga twa yeeya Kabunga Kabuumi mu nzila yomwe. Tuli jisi muya wakupaila a kkwiiya Leza ijwi lyakwe. Tuli jisi kukasaala, a mulilo wa Leza a ndiswengo tuyanda. Noo tuyanda mafuta. Masimpe a Leza a kutolwa kubana bunji mukati kesu bantu nge mafuta ngo tuyanda!

Mu Bbuku Iya Ncito tubona kuti chikombelo chakunguna cakafwambana kukomena ku busena a busena. Mulilo wa bumi bwa Leza wakeenda kuzwa ku muntu a kuli umwimbuli bantu mbo bakali kwenda, ku busena a busena bumwi. Bakaamba a kwenzya masimpe ngo bakajana muli Jesu. Mbuli Isaya 49:6 mbwa kabika, "Ndiya ku mupa mumuni wa Bana masi [ba bulumbu] kutegwa kufutula kwangu kusike ku golela nyika."

### Amu bike Mukucita!


Majwi ma botu a Jesu ayandikana kwa tola a kwaabana. Eci caamba kuti Kabunga Kabuumi takeleede kuba a bantu bomwe a ciindi ciindilide. Nzila yomwe njo tunga twacita nja kuti tubamba bantu kutegwa babe kulubazu lwa Kabaunga Kabuumi. Nga twa tamba benzuma a bamwi bali kulaale kuzwa kuli ndiswe.

Munzila eeyo tulaleta mafuta a baabo mbo tuli limwi mukunvwana a kubabika antoomwe a mafuta a kukasala kwa Leza. Tutano zumbauzyi kwaamba a kutola mulumbe wa Jesu ku benzuma mbo tujisi.

### Mupaile kuti:

Leza ula bamaba bantu kunvwa ku tamba kwanu akumupa majwi ayeleede kwambwa.

### Ceengo ca Mulilo ca Zyooko Zyotatwe



Ba Mulenga\* bakali a basi bakali kuya ku ng'anda. Bakanvwa muntu wakambila mwenzi nyina a kaambo ka tubunga twa lwiyo lwa Bbaibele wakali kugwasya bantu kutalika mu munzi wabo. Ba Mulenga ba kazilika a kuyanda kuziba izinji. Bakayaama kumbele akulibika mumakani. Baiya kuti nga batalika ku bamba Kabunga Kabuumi mu munzi wabo.

**Ba Mulenga,\* 16 Miles, Zambia**



Eci ciyo cakabambwa a, "Kutalika Mulilo - Mbo kushanga mu busena" ciyo cikgwasya bantu kunvwa masimpe a Leza kwiinda mbuli mbo mu nvwana. Nga mwa yandaula zinji a kuzijana awa:

[dignityonline.org.uk/publications](https://dignityonline.org.uk/publications)